

Forseti Alþingis
Halldór Blöndal
Alþingishúsinu
101 Rvk.

3744

SKRIFSTOFA ALÞINGIS	
MÓTT. 27 JAN. 2004	
52	

Alþingi
Erindi nr. Þ 130/929
komudagur 2.2.2004

Reykjavík 11. desember 2003.

Meðfylgjandi er afrit af bréfum sem send voru Samtökum atvinnulífins og Samninganefnd ríkisins í dag.

Efling-stéttarfélag.

Starfsgreinasambandið og Flói fresta kjaraviðræðum við atvinnurekendur
Kröfugerð verður endurskoðuð ef frum varp launakjör og starfslokasamninga
verður ekki dregið til baka.

Starfsgreinasambands Íslands og Flóabandalagið hafa ákveðið að fresta kjaraviðræðum
sínnum við Samtök Atvinnulífsins og ríkið. Fyrir liggur að endurskoða kröfugerðina nema
frumvarp um launahækkanir þingmanna og starfslokasamninga ráðherra verði dregið til
baka.

sa111203

Samtök atvinnulífsins
B.t. Ara Edwald, framkvæmdastjóra
Borgartúni
Reykjavík


11. desember 2003

Efni: Um frestun samningaviðræðna

Flóabandalagið lýsir því hér með yfir að vegna frumvarps um launahækkanir alþingismanna er öllum samningaviðræðum við Samtök atvinnulífsins frestað ótímabundið.

Meðfylgjandi er ályktun stjórnar Eflingar og ályktun Starfsgreinasambandsins og Flóabandalagsins um sama málefni.

Með kveðju



Sigurður Bessason
formaður
saminganefndar Flóans

Afrit:

Ríkissáttasemjari
Forsætisráðherra
Forseti Alþingis

Ásmundur Stefánsson
Davíð Oddsson
Halldór Blöndal

**Starfsmannaskrifstofa fjármálaráðuneytis
Samninganefnd ríkisins
B.t. Gunnars Björnssonar, formanns
Sölvhólgötu
Reykjavík**

11. desember 2003

Efni: Um frestun samningaviðræðna

Efling-stéttarfélag lýsir því hér með yfir að vegna frumvarps um launahækkanir alþingismanna er öllum samningaviðræðum við samninganefnd ríkisins frestað ótímabundið.

Meðfylgjandi er ályktun stjórnar Eflingar og ályktun Starfsgreinasambandsins og Flóabandalagsins um sama málefni.

Með kveðju



**Sigurður Bessason
formaður**

Afrit:
Ríkissáttasemjari Ásmundur Stefánsson
Forsætisráðherra Davíð Oddsson
Forseti Alþingis Halldór Blöndal



Alyktun stjórnar Eflingar um launahækkunar á Alþingi

**Alþingismenn hafa með áformum sínum um sérstakar launahækkunar til
forsætisráðherra og forystumanna á þingi kastað stríðshaskanum.**

**Launafólk horfir í forundran á sömu menn og skerða framlög til atvinnulausra,
öryrkja og sjúkrastofnana skammta starfsbræðrum sínum á þingi himinháar
launahækkunar.**

**Á sama tíma og launafólk undirbýr sig fyrir kjarasamningaviðræður við
atvinnurekendur þar sem markmiðið er að halda efnahagslegum stöðugleika og
lágri verðbólgu skammta alþingismenn hópi í sínum röðum 50% launahækkunar
og viðbótarlífeyri sem á sér engar eðlilegar forsendur.**

Ljóst er að samningaviðræður við atvinnurekendur og ríkisvald eru í uppnámi.

**Efling-stéttarfélag mun í dag fresta frekari samningaviðræðum við ríkið og
Samtök atvinnulífsins. Fyrir liggur að endurskoða kröfugerðina nema
frumvarpið um launahækkunar þingmanna og starfslokasamning ráðherra verði
dregið til baka.**

Stjórn Eflingar-stéttarfélags



Múrarafélag Reykjavíkur

Síðumúla 25 · Sími 581 3255 · 108 Reykjavík

Reykjavík, 17. desember 2003

Skrifstofa Alþingis
Kirkjustræti,
101 Reykjavík

Almennur félagsfundur í Múrarafélagi Reykjavíkur haldinn að Síðumúla 25 þriðjudaginn 16. desember 2003 mótmælir harðlega nýsamþykktum lögum um eftirlaun Forseta Íslands, ráðherra, alþingismanna og hæstaréttardómara, og lýsir sérstakri vanþóknun á þeim vinnubrögðum sem viðhöfð voru við afgreiðslu málsins á Alþingi og þeirri sjálfstöku sem löggin fela í sér.

Virðingarfyllst,

fh. Múrarafélags Reykjavíkur

Helgi Steinar Karlsson
formaður



Alþingi Íslendinga
Alþingishúsinu v/Austurvöll
Reykjavík

SÍMSKEYTI

Mótmæli að nýtt frumvarp forseta Alþingis og fleiri um eftirlaun æðstu embættismanna lýðveldisins verði staðfest sem lög frá Alþingi. Í frumvarpinu virðast vera íþyngjandi afturvirk ákvæði fyrir allmarga alþingismenn og jafnframt gróflega ívilnandi afturvirk ákvæði svo skipt geti tugum og jafnvel hundruðum milljóna króna fyrir núverandi og fyrrverandi ráðherra. Leynd er enn um reikningslegar forsendur frumvarpsins og um kostnað Ríkissjóðs af því svo virðist sem alþingismönnum sé ætlað að afgreiða sem lög frá Alþingi ákvæði sem varða afturvirkt persónulegan fjárhag þeirra sjálfra og í sumum tilvikum persónulegar fjárhag forsætisráðherra, sem nokkrir þeirra sækja völd til. Hafi lögfræðiálit verið aflað um hvort frumvarpið samrýmist stjórnarskrárákvæðum eða staðfestum alþjóðasáttmálum óskast endurrit af þeim.

Tómas Gunnarsson kr. 240937-7199
Bleikjukvisli 1, Reykjavík



Ályktun útifundar á Austurvelli 11. desember 2003

Útifundur, haldinn á Austurvelli 11. desember 2003, mótmælir harðlega framkomnu frumvarpi til laga um starfslokasamning forsætisráðherra og laun og lífeyrisréttindi annarra ráðherra og þingmanna.

Fundurinn krefst þess að frumvarpið verði dregið til baka og gerir þá kröfu til þingmanna að þeir sýni sjálfum sér og þjóðinni þá virðingu að falla frá þessum áformum.

Til Alþingis

Reykjavík, 28. nóvember 2003


Efni: Mótmæli vegan frumvarps ríkisstjórnar Íslands um breytingar á lögum um réttindi og skyldur starfsmanna ríkisins.

Fundur starfsmanna Náttúrufræðistofnunar Íslands, félagsmenn í Félagi íslenskra náttúrufræðinga, Starfsmannafélagi ríkisstofnana, Útgarði og Stéttarfélagi bókasafns- og upplýsingafræðinga, haldinn þann 28. nóvember 2003, mótmælir harðlega frumvarpi ríkisstjórnar Íslands um breytingar á lögum um réttindi og skyldur starfsmanna ríkisins.

Mótmælin beinast gegn þeirri skerðingu sem frumvarpið felur í sér á réttindum og starfsöryggi ríkisstarfsmanna en einnig því að þessi breytingartillaga er gerð án samráðs við stéttarfélögin. Faglegu sjálfstæði þeirra sem vinna við vísinda-, ráðgjafa-, þjónustu- eða stjórnsýslustörf er ógnað. Lágmarksréttindi sem ríkisstarfsmönnum eru tryggð með stjórnsýslulögum verða af þeim tekin með fyrirhuguðum lagabreytingum þar sem þeir munu eftirleiðis ekki njóta andmælaréttar, reglunnar um jafnræði eða meðalhófsreglunnar. Með frumvarpinu er verið að gera ráðningaréttindi ríkistarfsmanna mun lakari og ótryggari en verið hefur.

Starfsmenn Náttúrufræðistofnunar Íslands skora eindregið á Alþingi að hafna þessu frumvarpi.

F.h. Starfsmannafélags Náttúrufræðistofnunar Íslands


Lovísa Ásbjörnsdóttir, formaður SNÍR